

元

史

一一

本紀卷第三十一

元史三十

翰林學士垂大知制誥修國史長安濂翰林待制承宣同知制誥兼國史院編修官臣王偉等奉勅修

明宗

明宗翼獻景孝皇帝諱和世㻋武宗長子也母曰仁獻章聖皇后亦乞烈氏成宗大德三年命武宗撫軍北邊帝以四年十一月壬子生成宗崩十一年武宗入繼大統立仁宗爲皇太子命以次傳於帝武宗崩仁宗立延祐三年春議建東宮時丞相錢本迭而欲固位取寵乃議立英宗爲皇太子又與太后幸臣識

烈門譖帝於兩宮浸潤久之其計遂行於是封帝爲周王出鎮雲南置常侍府官屬以遙授中書左丞相禿忽魯大司徒斡耳朵中政使尚家奴山北遼陽等路蒙古軍萬戶孛羅翰林侍講學士教化等並爲常侍中衛親軍都指揮使唐兀兵部尚書賽罕八都魯爲中尉仍置諮詢記室各二員遣就鎮是年冬十一月帝次延安禿忽魯尚家奴孛羅及武宗舊臣釐日沙不丁哈八兒禿等皆來會教化謀曰天下者我武皇之天下也出鎮之事本非上意由左右構間致然請以其故自行省俾聞之朝廷庶可杜塞離間不然

事變叵測遂與數騎馳去先是阿思罕爲太師鐵木  
迭兒奪其位出之爲陝西行省丞相及教化等至即  
與平章政事塔察兒行臺御史大夫脫里伯中丞脫  
歡悉發關中兵分道自潼關河中府入已而塔察兒  
脫歡襲殺阿思罕教化于河中帝遂西行至北邊金  
山西北諸王察阿台等聞帝至咸率衆來附帝至其  
部與定約束每歲冬居扎頰夏居斡羅斡察山春則  
命從者耕于野泥十餘年閒邊境寧謐延祐七年仁  
宗崩英宗嗣立是歲夏四月丙寅子妥懽帖木爾生  
是爲至正帝至治三年八月癸亥御史大夫鐵失等

弑英宗晉王也孫鐵木兒自立爲皇帝改元泰定五月遣使扈從皇后八不沙至自京師二年帝弟圖帖睦爾以懷王出居于建康三年三月癸酉子懿璘質班生是爲寧宗歲戊辰七月庚午泰定皇帝崩于上都倒刺沙專權自用踰月不立君朝野疑懼時僉樞密院事燕鐵木兒留守京師遂謀舉義八月甲午黎明召百官集興聖宮兵皆露刃號於衆曰武皇有聖子二人孝文仁文天下歸心大統所在當迎立之不從者死乃縛平章烏伯都刺伯顏察兒以中書左丞朵朵叅知政事王士熙等下于獄燕鐵木兒與西安

王阿刺忒納失里固守內廷於是帝方遠在沙漠  
未能至慮生他變乃迎帝弟懷王于江陵且宣言已  
遣使北迎帝以安衆心復矯稱帝所遣使者自北方  
來云周王從諸王兵整駕南轍旦夕即至矣丁巳懷  
王入京師群臣請正大統固讓曰大兄在北以長以  
德當有天下必不得已當明以朕志擣告中外九月  
壬申懷王即位是爲文宗改元天曆詔天下曰謹俟  
大兄之至以遂朕固讓之心時倒刺沙在上都立泰  
定皇帝子爲皇帝乃遣兵分道犯大都而梁王王禪  
右丞相答失鐵木兒御史大夫紐澤太尉不花等兵

皆次于榆林燕帖木兒與其弟撒敦子唐其勢等帥  
師與戰屢敗之上都兵皆潰十月辛丑齊王月魯帖  
木兒元帥不花帖木兒以兵圍上都倒刺沙乃奉皇  
帝寶出降兩京道路始通於是文宗遣哈散及撒迪  
等相繼來迎朔漠諸王皆勸帝南還京師遂發北邊  
諸王察阿台公邊元帥朵烈捏萬戶買驥等咸帥師  
扈行舊臣李羅尚家奴哈八兒禿皆從至金山嶺北  
行省平章政事濱皮奉迎武寧王徹徹禿僉樞密院  
事帖木兒不花繼至乃命李羅如京師兩京之民聞  
帝使者至驩呼鼓舞曰吾天子實自北來矣諸王舊

臣爭先迎謁所至成聚天曆二年正月乙丑文宗復遣中書左丞躍里帖木兒來迎乙酉撒迪等至入見帝于行幄以文宗命勸進丙戌帝即位于和寧之北扈行諸王大臣咸入賀乃命撒迪遣人還報京師是月前翰林學士承旨不答失里以太府太監沙刺班輦金銀幣帛至遣撒迪等還京師帝命之曰朕第曩嘗覽觀書史通者得無廢乎聽政之暇宜親賢士大夫講論史籍以知古今治亂得失卿等至京師當以朕意諭之二月壬辰宣靖王買奴自京師來覲辛丑追尊皇妣亦乞烈氏曰仁獻章聖皇后是月文宗立

奎章閣學士院于京師遣人以除目來奏帝並從之  
三月戊午朔次潔堅察罕之地辛酉文宗遣右丞相  
燕鐵木兒奉皇帝寶來上御史中丞八即刺知樞密  
院事禿兒哈帖木兒等各率其屬以從壬戌造乘輿  
服御及近侍諸服用丙寅帝謂中書左丞躍里帖木  
兒曰朕至上海宗藩諸王必皆來會非尋常朝會比  
也諸王察阿台今亦從朕遠來有司供張皆宜豫備  
卿其與中書臣僚議之丁亥雨土霾四月癸巳燕鐵  
木兒見帝於行在率百官上皇帝寶帝嘉其勲拜太  
師仍命爲中書右丞相開府儀同三司上柱國錄軍

國重事監脩國史答刺罕太平王並如故復諭燕鐵  
木兒等曰凡京師百官朕第所用者並仍其舊卿等  
其以朕意諭之燕鐵木兒奏陛下君臨萬方國家大  
事所繫者中書省樞密院御史臺而已宜擇人居之  
帝然其言以武宗舊人哈八兒禿爲中書平章政事  
前中書平章政事伯帖木兒知樞密院事常侍李羅  
爲御史大夫甲午立行樞密院命昭武王知樞密院  
事火沙領行樞密院事賽帖木兒買奴並同知行樞  
密院事是日帝宴諸王大臣于行殿燕鐵木兒哈八  
兒禿伯帖木兒李羅等侍帝特命臺臣曰太祖皇帝

嘗訓敕臣下云羨色名馬人皆悅之然方寸一有繫  
累即能壞名敗德卿等居風紀之司亦嘗念及此乎  
世祖初立御史臺首命塔察兒奔帖傑兒二人協司  
其政天下國家譬猶一人之中書則右手也樞密  
則左手也左右手有病治之以良醫省院闕失不以  
御史臺治之可乎凡諸王百司違法越禮一聽舉劾  
風紀重則貪墨懼猶斧斤重則入木深其勢然也朕  
有闕失卿亦以聞朕不爾責也乙未特命李羅等傳  
旨宣諭燕鐵木兒伯答沙火沙哈八兒禿八即刺等  
曰世祖皇帝立中書省樞密院御史臺及百司庶府

共治天下大小職掌已有定制世祖命廷臣集律令  
章程以爲萬世法成宗以來列聖相承罔不恪遵成  
憲朕今居太祖世祖所居之位凡省院臺百司庶政  
諮詢謀僉同標譯所奏以告于朕軍務機密樞密院當  
即以聞毋以夙夜爲間而稽留之其他事務果有所  
言必先中書院臺其下百司及摶御之臣毋得隔越  
陳請宜宣諭諸司咸俾聞知儻違朕意必罰無赦丁  
酉以陝西行臺御史大夫鐵木兒脫爲上都留守辛  
丑文宗立都督府于京師遣使來奏又以臺憲官除  
目來上並從之癸卯遣使如京師卜日命中書左丞

元史卷二十一  
相鐵木兒補化攝告即位于郊廟社稷遣武寧王徹  
徹禿及哈八兒禿立文宗爲皇太子仍立詹事院罷  
儲慶司以徹里鐵木兒爲中書平章政事闕兒吉司  
爲中書右丞怯來只兒哈郎並爲甘肅行省平章政  
事忽刺台爲江浙行省平章政事那海爲嶺北行省  
平章政事甲辰敕中書省賜官吏送寶者秩一等從  
者賚以幣帛乙巳監察御史言嶺北行省控制一方  
廣輪萬里實爲太祖肇基之地國家根本繫焉方面  
之寄豈可輕任平章塔即吉素非勲舊奴事倒刺沙  
倔起宿衛輒爲右丞俄陞平章年已七十眊昏殊甚

左丞馬謀本

晉邸部民以女妻倒刺沙引爲都水遂

除左丞郎中羅里市井小人禿魯忽乃晉邸衛卒不  
諳政務並宜黜退臺臣以聞帝曰御史言甚善其並  
黜之又諭臺臣曰御史劾嶺北省臣朕甚嘉之繼今  
所當言者毋有所憚被劾之人苟營求申訴朕必罪  
之或廉非其實毋輒以聞五月丁巳朔次朶里伯真  
之地戊午遣西安王阿刺忒納失里還京師封帖木  
兒爲保德郡王賜扈駕宿衛士等幣帛有差己未皇  
太子遣翰林學士承旨阿鄰帖木兒來覲庚申次斡  
耳罕木東辛酉御史大夫辛羅中政使尚家奴並特

授開府儀同三司以典四番宿衛癸亥次必忒怯禿  
之地翰林學士承旨斡耳朵自京師來覲命有司新  
武宗幄殿車輿庚午命燕鐵木兒陞用嶺北行省官  
吏其餘官吏並賜散官一級選用潛邸舊臣及扈從  
士受制命者八十有五人六品以下二十有六人壬  
申次探禿兒海之地封亦憐真八爲柳城郡王以八  
即刺爲陝西行臺御史大夫衆家奴爲御史中丞乙  
亥次禿忽刺敕大都省臣鑄皇太子寶時求太子故  
寶不知所在近侍伯不花言寶藏于上都行幄遣人  
至上都索之無所得乃命更鑄之西木隣等四十三

驛旱災命中書以糧賑之計八千二百石丁丑皇太子發京師鎮南王帖木兒不花諸王也速幹即答來不花朵來只班伯顏也不干駙馬別闈里及扈衛百官悉從行戊寅京師市馬二百八十疋載乘輿服御送行在所己卯次禿忽刺河東加翰林學士承旨唐兀爲太尉趙王馬札罕部落旱民五萬五千四百口不能自存敕河東宣慰司賑糧兩月庚辰賜諸王燕只哥台鈔二百錠幣帛二千匹辛巳次斡羅斡禿之地壬午次不魯通之地是日左丞相鐵木兒補化等以帝即位攝告南郊甲申次忽刺火失溫之地六月

丁亥朔次坤都也不刺之地是日鐵木兒補化等以  
帝即位攝告于宗廟社稷戊子燕鐵木兒等奏中政  
院越中書擅奏除授移文來徵制勅已如所請授之  
然於大體非宜乞申命禁止庶使政權歸一從之庚  
寅次撒里之地陝西行省告饑遣使還都與諸老臣  
議賑救之丁酉次兀納八之地陞都督府爲大都督  
府己亥次闊朶之地樞密院奏皇太子遣使來言近  
已頒赦四川諸省兵悉遣還營惟雲南逆謀叵測兵  
未可即罷令臣等以聞帝曰可仍屯戍俟平定而後  
罷辛丑次散里怯兒之地壬寅戒近侍毋得輒有奏